

NAQQIUT

Siunnersuut 11. januar 2011-meersoq taarserpaa

(Nutserinerlunneq pissutigalugu saqqummiussinerup kalaallisut oqaasertaani naqqiisoqarpoq. Qallunaatuuani allannguisoqanngilaq.)

Uunga siunnersuut: Erniaalersuinermit inatsimmi aamma taarsiisussaataitanermit inatsimmi allannguutit Kalaallit Nunaannut atuutilersinneqarnissaannik peqqussummut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut.

Saqqummiussineq**(Inuussutissarsionermit Aatsitassanullu Naalakkersuisoq)****Siullermeerneqarnera**

Erniaalersuinermit aamma taarsiisussaataitanermit inatsisit allanngortinnerisa atuutsilernissaat pillugit Kalaallit Nunaannut Peqqussummut Namminersorlutik Oqartussat oqaaseqaataat pillugu Inatsisartut aalajangiiffigisassaannut siunnersuut Naalakkersuisut matumuuna saqqummiutissavaat.

Inuussutissarsiornermik ingerlatallit akileeqqusissutinik sunilluunniit iluarisaminnik akiliisitsiniartannginnissaannik qulakkeerinnittunik peqqussutip allannguutissaa malittarisassianik imaqarpoq. Sivikinnerpaamik ullunik qulinik akunnilerlugit nassiunneqartartunik akileeqqusutinut amerlanerpaanut pingasunut akileeqqusinermit akiliutit piumasarineqarsinnaanerit, kiisalu akiliut akileeqqusissutinut ataasiakkaanut tamanut annerpaamik 100 kr.-unissaanik malittarisassiaq aalajangersakkamut allannguummi ilanngunneqassaaq. Tamatuma atuisartup piffissaq eqqorlugu akiitsuminik suliffiutilimmut akiliisimangikkuni akileeqqusissutinut akiliutinik 300 kr.-t angullugit akiliinissaminut peqquneqarsinnaanera kingunerissavaa. Tamatuma atuisartut suliffeqarfiutillit tungaannut akiliutinik akileeqqusineranni tulluanngitsumik akiliutinik naleqqutinngitsumik qaffasippallaartunik akileeqqusisarnissaannut qulakkeerinneqataassaaq.

Suliffeqarfiutillip akiitsunik akiliisitsiniarnermini suliassaq inatsisilerituumut imaluunniit suliffeqarfimmut akiliisitsiniartarfimmut tunniukkuniuk allaffissornikkut sullissinermit akiliut immikkut ittoq 100 kr. angullugu akileeqqusisinnaavoq. Akiliutit pillugit malittarisassat suliffeqarfiutilimmut atuisartumullu sammisami inatsisitigut inissisimanermik erseqqinnerusumik aalajangeeqataassapput.

Erniaalersuineq pillugu inatsit atuisartunik illersuinermit pilersitsinermit qulakkerinneqataassaaq, aammali suliffiutilik akiitsunik akiliisitsiniarnerminut atatillugu suli aningaasartuutigisimasinnaasaminik matussusiinissaminut suli periarfissaqassalluni.

Erniaalersuineq pillugu inatsimmi allannguutit malitsigisaannik taarsiisussaataitanermut inatsit allanngortinneqassaaq, taamaalilluni inatsisit marluk akornanni aalajangersakkat imminnut tulluuttunngortinneqarnissaat qulakkeerneqassallutik.

Naalackersuisut isumaqarput malittarisassanik nutaanik nalitsinnullu naleqqunnerusunik Kalaallit Nunaanni atuisartut pitsaannerusunik pisinnaatitaaffeqartinnissaannik qulakkeerinnittunik pisariaqartitsisoqartoq, ilutigitillugulu suliffiutillit akiitsunik akiliisitsiniarnerminni aningaasartuutitik tamakkiisunik ilaannakortumilluunniit matussusernissaannut periarfissillugit.

Erniaalersuineranut aamma taarsiisussaataitanermut inatsisit allannguutaasa atuutsilernissaat pillugit Kalaallit Nunaannut PeqqussutInatsisartut akuerissagaat Naalackersuisut inassutigaat.

Sammineqartut pillugit Inatsisartuni eqeersimaartumik oqallittoqarnissaa qilanaaraara.

Tamakku Naalackersuisut oqaatigiumavaat.